



Broj: 01-02-1-399/26
Datum: 18.02.2026. godine

Na osnovu Sporazuma o saradnji i Anexa Sporazuma između Muslim Aid Association, Općine Travnik i Udruženja pčelara „APIS“ Travnik i „MATICA“ Turbe broj: 01-04-11-305/25 (Sporazum); 01-04-305-1/25 (Anex), od 15.04.2025. godine, kojim se implementira Projekat „Pčelarstvo i ruralni razvoj“ i Pravilnika o utvrđivanju uslova, kriterija i postupaka za ostvarivanje prava za dodjelu granta za pčelarsku opremu broj: 01-04-21-7-261/26 od 05.02.2026. godine, Načelnik putem Službe za razvoj privredu i vanprivredu, raspisuje:

JAVNI POZIV

za podnošenje zahtjeva za dodjelu grant sredstava za nabavku pčelarske opreme

I PREDMET JAVNOG POZIVA

Predmet Javnog poziva je dodjela grant sredstava pčelarima sa područja općine Travnik radi unapređenja pčelarske proizvodnje, jačanja kapaciteta lokalnih pčelara i doprinosa održivom ruralnom razvoju.

Grant sredstva dodjeljuju se isključivo za nabavku pčelarske opreme, u skladu sa važećim Pravilnikom. Ukupan iznos raspoloživih grant sredstava po ovom Javnom pozivu iznosi 21.000,00 KM.

Dodjela sredstava vršit će se do utroška raspoloživih sredstava, prema rang-listi aplikanata utvrđenoj na osnovu ostvarenog broja bodova, u skladu sa kriterijima propisanim ovim Javnim pozivom i Pravilnikom.

II PRAVO UČEŠĆA

Pravo učešća imaju pčelari koji ispunjavaju sljedeće uslove:

- prebivalište na području općine Travnik,
- upis u Registar pčelara i pčelinjaka FBiH sa ažuriranim podacima u 2025. godini,
- aktivno članstvo u Udruženju pčelara „APIS“ Travnik ili „MATICA“ Turbe,
- da tokom 2025. godine nisu koristili sredstva projekta „Pčelarstvo i ruralni razvoj“ po istom ili sličnom osnovu,
- da će dodjeljeni grant koristiti isključivo za nabavku pčelarske opreme,
- da posjeduje minimalno 20 pčelinjih zajednica,
- da će opremu koja bude obezbijeđena kroz ovaj grant zadržati u svome vlasništvu najmanje 3 godine,
- spremnost na sufinansiranje 20% vrijednosti odobrenog granta.

III IZNOS I NAČIN DODJELE GRANT SREDSTAVA

U okviru ovog Javnog poziva, Muslim Aid Association u saradnji sa Općinom Travnik dodjeljuje sljedeće iznose sredstava:

- starosna struktura podnosioca zahtjeva: starosna dob do 35 godina-3 boda, starosna dob 35-45 godina-2 boda, starosna dob 45-55 godina-1 bod, više od 55 godina – 0 bodova.
- podnosilac zahtjeva je samohrani roditelj – 3 boda
- podnosilac zahtjeva je žena – 1 bod
- podnosilac zahtjeva je osoba s invaliditetom ili ima člana uže porodice s invaliditetom – 3 boda

C. PRIHOD DOMAĆINSTVA (PO ČLANU DOMAĆINSTVA)

Bodovanje se vrši prema prosječnom mjesečnom prihodu po članu domaćinstva:

- bez ikakvih primanja – 6 bodova
- 0,01 KM – 100,00 KM – 4 boda
- 100,01 KM – 200,00 KM – 3 boda
- 200,01 KM – 300,00 KM – 2 boda
- 300,01 KM – 400,00 KM – 1 bod
- više od 400,01 KM – 0 bodova

D. SOCIJALNI I TERENSKI ASPEKT (PROCJENA KOMISIJE)

Na osnovu terenskog uvida, Komisija vrši procjenu ukupnog socijalno-ekonomskog položaja domaćinstva, uključujući:

- stambene i životne uslove,
- imovno stanje,
- stepen ranjivosti,
- održivost planiranog ulaganja.

Po ovom kriteriju moguće je ostvariti 0–10 bodova.

E. RANGIRANJE I PREDNOST U SLUČAJU ISTOG BROJA BODOVA

U slučaju da dva ili više kandidata ostvare isti ukupan broj bodova, prednost se daje prema sljedećem redoslijedu:

- mlađa osoba,
- višečlano domaćinstvo,
- domaćinstvo sa većim brojem nezaposlenih članova.

V PRIHVATLJIVI I NEPRIHVATLJIVI TROŠKOVI

U obzir dolazi isključivo pčelarska oprema, koja se namjenski i direktno koristi u pčelarstvu, uključujući, ali ne ograničavajući se na:

- pčelinje košnice (različitih tipova),
- vrcaljke za med,
- zaštitna pčelarska odijela,
- pčelarske maske i rukavice,
- dimilice,
- pčelarske alate (dlijeta, četke i sl.),
- posude i opremu za manipulaciju i skladištenje meda,
- pčelinja društva (jedino kupljena od strane registrovanih subjekata za prodaju pčelinjih društava prema važećem registru)
- ostalu specijaliziranu opremu namijenjenu pčelarstvu (pčelarske vage, transportne uređaje za košnice, uređaje za ekstrakciju meda i polena, duplikatore za med, itd)

Kupovina poljoprivrednih mašina i alatki (kopačica, trimera, priključaja za alate) ovim javnim pozivom nije dozvoljena. Kupovina hrane, dodataka ishrani, lijekova i voska (satnih osnova) za pčele ovim javnim pozivom nije dozvoljena.

Sva oprema koja se ne koristi isključivo i namjenski u pčelarstvu, bez obzira na dostavljeni predračun, smatra se neprihvatljivim troškom. Neprihvatljivi troškovi su i svi oni troškovi koji cjenovno ne odgovaraju stvarnim tržišnim cijenama.

U slučaju da kandidat dostavi predračun koji sadrži neprihvatljive stavke:

- predračun će se smatrati nevažećim, i
- kandidat će biti automatski diskvalifikovan iz dalje procedure odabira korisnika.

Napomena: Komisija zadržava pravo da, tokom administrativne i terenske provjere, izvrši provjeru tržišne vrijednosti opreme navedene u dostavljenim predračunima.

Provjera tržišne vrijednosti vrši se na osnovu važećih cjenovnika registrovanih pravnih subjekata koji se bave prodajom pčelarske opreme, ponuda najmanje dva (2) različita dobavljača, javno dostupnih tržišnih izvora (web stranice, katalogi, zvanične prodajne platforme), prethodnih nabavki realizovanih u okviru istog ili sličnih projekata.

Predračun će se smatrati neprihvatljivim ukoliko ukupna ili pojedinačna cijena opreme prelazi prosječnu tržišnu cijenu za više od 15%, bez objektivnog i dokazivog obrazloženja. U posebnim uslovima, odstupanja u broju pčelinjih društava, administrativne greške prilikom izdavanja računa, koji imaju logično opravdanje, komisija može tražiti dopunu/izmjenu predračuna uz posebno objašnjenje.

VI POTREBNA DOKUMENTACIJA

Uz popunjen zahtjev za dodjelu grant sredstava, podnosioci zahtjeva su obavezni dostaviti potpunu, tačnu i vjerodostojnu dokumentaciju, kako slijedi:

A. OSNOVNA DOKUMENTACIJA (OBAVEZNA ZA SVE PODNOSIOCE APLIKACIJE)

1. Ovjerena kućna lista,
2. Ovjerena kopija lične karte,
3. Dokaz o nezaposlenosti svih punoljetnih članova zajedničkog domaćinstva, izdat od nadležnog Biroa za zapošljavanje,
4. Za lica koja se ne nalaze na evidenciji nezaposlenih, dostavlja se kopija zdravstvene knjižice sa vidljivim pečatom nosioca osiguranja ili ovjerena izjava kojom se potvrđuje status nezaposlenosti (original ili ovjerena kopija),
5. Potvrda škole ili fakulteta za djecu i druge izdržavane članove domaćinstva (uključujući potvrdu o pohađanju za studente)(original ili ovjerena kopija),
6. Uvjerjenje ili drugi dokaz o visini prihoda za svakog zaposlenog člana domaćinstva navedenog na kućnoj listi,
7. Za penzionere: posljednji ček od penzije ili potvrda banke (original ili ovjerena kopija),
8. Ovjerena izjava kojom se korisnik obavezuje da će dobijenu opremu kroz ovaj grant zadržati u svom vlasništvu najmanje 3 godine i koristiti ga u skladu s namjenom,
9. Ovjerena izjava o obaveznom sufinansiranju 20% vrijednosti grant sredstava, u iznosu od 200,00 KM za osnovni grant od 1.000,00 KM,

10. Ovjerena izjava da će ukoliko iznos predračuna bude veći od 1.000,00 KM, aplikant sam snositi dodatne troškove,
11. Potvrda o upisu u Pčelarski registar za 2025. godinu,
12. Potvrda o članstvu u Udruženju pčelara „APIS“ Travnik ili „MATICA“ Turbe,
13. Predračun izdat od registrovanog pravnog subjekta, na osnovu kojeg će biti izvršena isplata grant sredstava.

B. DODATNA DOKUMENTACIJA (DOSTAVLJA SE UKOLIKO JE PRIMJENJIVO)

Podnosilac zahtjeva dostavlja dodatnu dokumentaciju samo ukoliko pripada jednoj od navedenih kategorija:

- Dokaz o statusu samohranog roditelja – smrtni list, pravosnažna presuda o razvodu braka ili drugi relevantan dokument kojim se dokazuje status samohranog roditelja (original ili ovjerena kopija),
- Dokaz o invaliditetu podnosioca zahtjeva i/ili člana domaćinstva (dijete, bračni drug i sl.), izdat od nadležne stručne/medicinske komisije (original ili ovjerena kopija).

Izjave navedene pod rednim brojevima 8. 9. i 10. podnose se na zajedničkom obrascu „IZJAVA“, koji se može preuzeti u Službi za razvoj privredu i vanprivredu Općine Travnik (zgrada Đerdan) ili na protokolu Općine Travnik.

Komisija zadržava pravo da, po potrebi, zatraži dodatna pojašnjenja u vezi sa dostavljenom dokumentacijom. U posebnim i opravdanim slučajevima, Komisija može omogućiti naknadnu dopunu dokumentacije, o čemu će podnosilac zahtjeva biti pismeno obaviješten.

VI PROVOĐENJE POSTUPKA PO JAVNOM POZIVU

Načelnik imenuje Komisiju za odabir korisnika za dodjelu grant sredstava za nabavku pčelarske opreme koju čine predstavnici organizacije „Muslim Aid Association“ i Općine Travnik.

Zadatak Komisije je:

- pregled i administrativna provjera svih pristiglih prijava,
- evidentiranje podnosilaca zahtjeva koji ispunjavaju uslove iz Javnog poziva,
- provođenje terenskog uvida (uviđaja na licu mjesta) radi provjere navoda iz prijave,
- bodovanje prijava u skladu s utvrđenim kriterijima,
- utvrđivanje i objava preliminarne liste odabranih korisnika.

Preliminarna lista o odabiru korisnika za dodjelu grant sredstava za nabavku pčelarske opreme objavljuje se na oglasnoj ploči Općine Travnik, službenoj web stranici Općine Travnik.

Podnosilac prijave može uložiti pisani prigovor Načelniku na preliminarnu listu s rokom podnošenja prigovora od 8 dana od dana objave preliminarne liste na oglasnoj ploči i na web stranici Općine Travnik. Nakon rješavanja eventualnih prigovora donosi se konačna lista i ista objavljuje na oglasnoj ploči i web stranici Općine Travnik.

Izabrani kandidati potpisuju Ugovor o dodjeli pčelarskog granta, kojim će biti regulirana sva daljnja međusobna prava i obaveze.

VII NAČIN I ROK PODNOŠENJA PRIJAVA

Obrasci zahtjeva za prijavu na Javni poziv se mogu preuzeti u Službi za razvoj privredu i vanprivredu općine Travnik (Zgrada Đerdan) ili na protokolu Općine Travnik. Zahtjev sa obaveznom dokumentacijom se dostavlja u zatvorenoj koverti na protokol Općine Travnik sa naznakom „Javni poziv za dodjelu pčelarskog granta“.

Rok za podnošenje zahtjeva je 15 dana, od dana objavljivanja javnog poziva na web stranici Općine. Nepotpuna, neuredna, netačna i neblagovremena dokumentacija neće se uzimati u razmatranje.

Sve dodatne informacije u vezi sa Javnim pozivom se mogu dobiti u Službi za razvoj, privredu i vanprivredu Općine Travnik (zgrada Đerdan).



NAČELNIK

dr. sci. Kenan Dautović